

Praktične informacije


Odjel za podršku svjedocima će Vas najverovatnije kontaktirati po prijemu poziva za svjedočenje, ali i Vi to možete učiniti u svakom momentu, naročito ako:

- Imate posebne poteškoće;
- Imate specifične zdravstvene probleme;
- Imate opravdan razlog kojim se dokumentuje zašto ne možete da se odazovete na poziv Suda;
- Ne znate kako da dođete do Suda;
- Ne znate šta Vas očekuje na Sudu;
- Ako se brinete za svoju sigurnost i/ili sigurnost svoje porodice;
- Ako svjedočenje za Vas predstavlja posebno stresnu situaciju sa kojom ne znate kako da izađete na kraj.

U otklanjanju ovih i drugih sličnih problema Odjel za podršku svjedocima će Vam pomoći, bez obzira na to da li Vas poziva Tužilaštvo, Odbrana ili Sudsko Vijeće.



Kako doći do Kantonalnog suda u Novom Travniku



Kantonalni sud u Novom Travniku

Ulica Kralja Tvrtka bb
72290 Novi Travnik
Bosna i Hercegovina

Tel: + 387 30 791 500
Fax: + 387 30 791 200
Mob: + 387 63 424 706
Email: TR2-PodriskaSvjedocima@pravosudje.ba
Web: www.ksudnt.ba



Odjel za podršku svjedocima
Kantonalni sud u Novom Travniku

INFORMATIVNI LETAK

ZA SVJEDOKE

O Kantonalnom sudu

Kantonalni sud u Novim Travniku je mjesno nadležan za područje Srednjobosanskog kantona kojeg sačinjava 12 općina (Novi Travnik, Kiseljak, Fojnica, Kreševo, Travnik, Vitez, Busovača, Bugojno, Gornji Vakuf – Uskoplje, Donji Vakuf, Jajce i Dobretići).

Nadležnosti Kantonalnog suda u Novom Travniku su propisane Zakonom o sudovima u Federaciji BiH, i odnose se na krivičnu, građansku, upravnu i žalbenu nadležnost.

U okviru svoje krivične nadležnosti Kantonalni sud u Novom Travniku postupa u predmetima koji se odnose na krivična djela za koja je zakonom propisana kazna zatvora više od 10 godina ili dugotrajni zatvor te krivična djela koja je Sud BiH prenio u nadležnost kantonalnih sudova, a to su, između ostalog, djela ratnog zločina, organizovanog kriminala, ubistva, silovanja, razbojništa itd.

Podrška svjedocima

Svjedočenje pred Sudom, pogotovo kada se radi o teškim i traumatičnim događajima, je posebno iskustvo koje sa sobom može nositi fizička i emotivna osjećanja, ometenost, stres, tugu i ankcioznost. Stoga, da bi se moguće teškoće uzrokovane svjedočenjem svele na minimum, pri Kantonalnom sudu u Novom Travniku postoji Odsjel podršku svjedocima.

Službenik iz Odjela za podršku svjedocima je tu da bi odgovorio na pitanja, upoznao svjedoke o njihovim pravima, dao objašnjenja u vezi sa radom Suda ili fazi postupka te pružio psihološku, emotivnu ili administrativnu podršku i pomoć.

Zadatak ovog Odjela je da Vam, uz najviši stepen povjerljivosti i nepristrasnosti, pomogne da kroz cijeli sudski postupak prođete što je lakše moguće (prije, za vrijeme i nakon svjedočenja), a da iskustvo davanja iskaza i kontakt sa Sudom budu događaji koji će Vas ojačati i obogatiti.

Na dan svjedočenja

Prije dolaska na Sud, službenik za podršku svjedocima će Vas, po potrebi, kontaktirati putem telefona, uraditi procjenu potreba i objasniti Vam kako da dođete do zgrade Suda. Ukoliko imate specifične potrebe molimo Vas da nas o istim obavijestite kada Vas budemo kontaktirali.

Na sam dan svjedočenja po dolasku na Sud službenik Odjela će Vas dočekati ispred zgrade i otpratiti do prostorija koje su isključivo namijenjene za svjedoke, gdje se možete osvjježiti i pripremiti za svjedočenje. Tokom Vašeg boravka na Sudu, osoblje za podršku svjedocima će Vas pratiti sve dok ne završite sa svjedočenjem.



Važnost svjedočenja

Ukoliko ste dobili poziv da date iskaz, to znači da je Vaše svjedočenje od izuzetne važnosti za uspješnost sudskog postupka. Učešće svjedoka u sudskom postupku presudno je za tok i ishod postupka jer Vaše svjedočenje omogućava sudijama da rasvijete događaje i donesu pravičnu presudu. Svojim svjedočenjem Vi dajete ključan doprinos cjelokupnom sudskom postupku i ponovnom uspostavljanju pravde.

